

**Hjelmeland Mållag,
Ryfylkevegen 5416,
4137 Årdal**

Til Kunnskapsdepartementet.

Dykkar referanse 21/4454

Vår referanse 21AA/21DH

Årdal 18.12.2021

Høyringsvar - om forslag til ny opplæringslov.

Både bokmål og nynorsk er likestilte offisielle skriftspråk i Noreg (jfr jamstillingsvedtaket frå 1885), og dermed skal det vera like lett å få opplæring i og bruka begge skriftspråka. Slik er det ikkje i dag.

Framlegget til ny opplæringslov har mange positive element for nynorsken - Dep skal ha mykje ros for det, men framlegget går ikkje langt nok på sume område.

Me vil fokusera på §§3 og 15 .

§3 -1 . Bokmål og nynorsk som skriftspråk i grunnskulen

Det må vera ein sjølvstendig rett til opplæring på det skriftspråket som er eleven sitt hovudmål. Denne retten må fylgja eleven alle skuleåra i grunnskulen. For å få dette til i praksis, må det vera same skriftspråk i den elevgruppa eleven føler, både i teoretiske og praktiske fag.

Læremidlane er grunnlaget for god opplæring. Me ser ikkje nokon grunn for at læremidlane skal vera på eit anna språk enn opplæringspråket til eleven. Det er ikkje språkløststilling i praksis, og det skapar forvirring i opplæringa.

Me meiner også at det er viktig at foreldre for avgjera om skulen dei tilhøyrer skal ha nynorskklasse. Dei sit nærast til å vita kva som er rett for dei, ein kommuneadministrasjon kan lett bruka økonomiske argument og saldera vekk eit godt nynorsktilbud. Her viser me nok ein gong til det lovfaste jamstillingsvedtaket. Begge skriftspråka skal tilbydast om det er ynskje om det.

§15-3. Læremiddel

I «alle år» har det vore eit krav at læremiddel skal føreliggja på bokmål og nynorsk til same tid. Me kan visa til skulebokaksjonar for dette allereie 1972. Framleis er ikkje dette på plass.

Læremidla i dag er både bøker og mykje digitalt stoff . Eit naturleg krav er at kommune og fylkeskommune berre brukar læremiddel som ligg føre på bokmål og nynorsk til same tid.

Engasjementet til læraren smittar over på undervisinga i faget. Er læraren negativ til nynorsk, er det lettare for at eleven skiftar over til bokmål. Det er viktig at me har lærarar som har god kompetanse og godt forhold til nynorsk. Her må det vera lett tilgong på etterutdanning for dei lærarane som treng det, og i stillingsinstruksen må det presiserast at læraren skal kunna undervisa på begge skriftspråka.

Det vil vera naturleg at Statsforvaltaren har eit tilsyn med kompetanse, læremiddel og opplæringstilbud i skulen, slik som utvalet føreslår.

Med helsing

Hjelmeland Mållag

Asbjørn Ask – leiar

Dagfinn Hatløy - skrivar